



UNIVERSITÄTS-  
BIBLIOTHEK  
PADERBORN

**Antonii Mvsae Brasavoli Medici Ferrariensis Examen  
omnium Trochiscorum Vnguentorum, Ceratorum,  
Emplastrorum, Cataplasmatumque, & Collyriorum**

**Brasavola, Antonio Musa**

**Venetiis, MDLI**

Emplastrum de Sinapi VI

---

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

Mannæ lib. I.

Adipis taurini lib. I.

Ammoniaci thymiamatis lib. I.

Ceræ lib. I.

Misce, & præparato ut prædictum est. SE. Deest in hac compositione nitrum, & resinæ loco adest manna, sed modica est in uiribus differentia, tamen nonnulla adest. SE. Quod nam seruaturus sum? an illud Mesue? BRAS. Pro alijs Mesue compositionem seruare poteris, cum uero ego pro meis ægris emplastrum de bacis lauri indixero illud Galeni quod primo adductum est præbeto. SE. A Pauli compositione non multum differt. BRAS. Immo Paulus à Galeno accepit, iccirco modica est inter ipsos differentia.

## S E N E X.

## VI.

Emplastrum de Sinapi huc accedit. BRAS. Fuit antiquissima compositio sinapismus ad materias è profundo corporis in superficiem educendas. at tu quo nam modo conficis hoc emplastrum? SE. Hoc modo.

Recipe ficuum pinguium partem unam.

Incidantur, & infundantur in aquam tepidam per diem & noctem, deinde exprimantur, & in mortario pistentur, & cum sinapi partibus duabus, et aceto fortissimo fiat Emplastrum secundum artem. BRAS. Ita præcise conficit Mesue, sed æquales ponit sinapi partes, & ficuum. nam dicit, & ficuum siccarum pinguium partem unam, & infunde in aquam tepidam per diem & noctem, tunc exprime uehementer, ut nullus humor in eis remaneat: deinde sinapi tritum cum aceto his misceas, diu diligenter

## BRASAVOLI

genter commiscendo, & sit sinapis pars una, & ficium  
 altera. Si autem uehementioris uirtutis facere uolueris,  
 pone de sinapi partes duas. Si autem minus uehementis,  
 pone de ficibus partes tres, & de sinapi duas: quādo au-  
 tem alicui loco applicatur, in eo dimittatur, & aufera-  
 tur antequam exulceret, & proprie quando solum cale-  
 facere oportet: & quandoque dimittitur quoad exulce-  
 ret, & proprie quando profundarum materierum ex-  
 trusionem quaeris. in sinapis uero defectu faeces caprinae  
 ponantur pridie in aceto, & est ad hydropem, & duri-  
 tiem, & splenis dolorem efficax, & quandoque additur  
 eis finus columbarum agrestium, & radix enulae, & se-  
 men nasturtij, & grana lauri, & confert ad frigidas, et  
 uentosas uiscerum aegritudines, et splenis, et hydropem,  
 & similia expertum ab antiquis medicis. Hæc Mesue.  
 SE. Ferunt fuisse Democriti cōpositionem. BRAS.  
 Et ita refert Mesue, additq; ualere ad ischiam, & poda-  
 gram, & ad ossariam lassitudinem, & arthritim, et ad  
 frigidas omnes affectiones, & ad hemicraneam, & obli-  
 uionem, et lethargum. Nota uero authorem quem sub  
 nomine Democriti citat Mesue, esse Paulum Aeginetā:  
 nam ipse Paulus libro septimo, capite decimo ostendit  
 » planè ab eo accepisse Mesuem, cū ait. Ante diem unum  
 » ischades aqua tepida irrigandæ sunt, & sequenti die e-  
 » gregie & præualide exprimendo strenue leuigādæ: de-  
 » inde acre sinapi cuius modi Syrianum, & Aegyptiū est,  
 » priuatim conterito affundēs dilutum, quod græce ἀπὸ  
 » Ἰσχυρα appellant, & massam, placentamue conficiens  
 » misceto. Si quidem uiolentius uoluerimus exulcerare,  
 » duas partes sinapis ad unā ischadum misceto: Si uero ob-  
 scurius

scurius atq; mitius, cōtrarium facito, sin medio quodam modo, & mediocriter, ex æquo utraque confundito. Cæterum sinapi ante contritionem aceto dilutum, quemadmodum aliqui faciunt, inefficacius redditur. æque à sinapis purgatione, & lauacri usu, si dolor intensus, & rubore suffunditur locus, bullæq; oboriuntur, linteum succo maluæ cum rosaceo immergentes applicemus: deinde rosaceo ceroto addita cerussa utamur. In flaccidis uero ac dissolutis, in quibus sensus læsus est, ac perijt, multum diuq; aduertere oportet animum detegendo, & speculando: non sentiētes: etenim sepe numero supra modum inflammati sunt, & combusti, & caprarum bacca cum aceto cataplasmatibus instar illitæ expeditiores quàm sinapi sunt, potissimum in his qui laborant coxendice.

SE. Non solum posuit conficiendi modum Paulus, sed & quid agendum cum bullæ sunt excitate, & cutis exulcerata. BRAS. Ita prorsus est, ego plerunq; experitus sum supra thoracem sinapismum extendere, & orthopneæ ualde cōtulit, asthmatis, et tussi antiquæ, id excicando quod in thorace continebatur, & id ad se trahendo quod illuc percurrere debebat, & ita quod ad intrinsecas partes proficiscebatur ad extrinsecas conuersum homines ab intrinseco affectu liberauit. Prætermitto quoties in lethargo, & in uehementissimis capitis doloribus hominem ab his affectibus liberarim. SE-NE|X. Videtur Paulū nō addidisse sinapismo acetum? BRAS. Immo neq; addi debet, nisi uelimus sinapismū inefficaciorē reddere. notaq; cum inflammationem fecerit si molesta sit, ab re non esse oleum rosatum ompha

N cinum

cinum linteo madefacto supraponere. Nota præterea Galenum in secundo de Compositione medicamentorum secundum locos, capite secundo in inueteratis uehementer capitis doloribus sinapi, ut moris est capiti adhibere et urere, arbitrandum est hoc esse sinapisimum, quæ adhibet: quanquam et sinapi solum absq; caricis idem efficiat, & etiam facilius quàm cum caricis, tamen ad emplastrum conficiendum ponunt, ut sinapi recipiat. Scito præterea in multis Mesue codicibus hanc legi compositionem relatum ad Democritum, tamen in alijs exemplaribus refertur ad Archigenem quod non ab re est, quia Galenus in loco statim citato Archigenis medicamenta ad capitis dolorem referebat, & sinapis mentionem facit caput urentis.

## S E N E X.

VII.

Emplastrum de Hyrundinis nido in medium accedit.

*Emplastrum  
de nido  
Hyrundini*

BRAS. Non erant satis infinita simplicia, nisi & hyrundinum nidi cæteris admiscerentur, neq; erant pharmacopolia satis confirmata, nisi & hyrundinum nidos habuissent. At tu quomodo emplastrum hoc conficias referto, ut deinde contemplemur si omnes tuo modo conficiant. SE. Ita conficio.

Recipe nidi hyrundinis numero I. ponatur in aqua, & aliquantisper bulliat. postea colato, et in colatura addito.

Radicum liliorum al-

borum

Althææ

Violarum

Parietariæ

} Sing. manip. I.

Misce